

惜抱軒全集

冊七

借校新全覽

七

惜抱軒詩集四

古體三十首

題合簫樓臺

國風有正變用冠皆婦人德載重一世美言播千
春江山壯龍虎人物渺荆榛卓茲白髮嫠養志忘
賤貧濡翰寫胸懷皎月升秋旻感激或哀怨終無
俗溜磷二班漢東西異彼蔡與甄何況競宮體綺
麗玉臺新少游詠芍藥蔑與昌黎倫異哉女郎詩
於今論過秦

宿攝山幽居僧舍次日略覽山中諸勝逮暮
遂歸

五月暑未甚況經新雨餘攝山若雲起飄然望遠
墟出郭偕好事入谷扣幽居日晡禽聲涼崦風迺
籃輿萬樹欹澗壑一鐙耿軒疏夜幘傍佛龕晚案

得山蔬雲白綠林外鳥嘯朝日初推枕饋清泉杖
策曳輕裾雜石擁樹根萬疊雲濤如穿徑石雲中
杳然疑躡虛法刹引遐歷宮樹亦瞻諸高松蔭

暘行清若循階除亭午不逢客寂爾惟鐘魚回首
金碧轉始知山徑紆聳望最高峯筋力乏升岵循
年嗟老矣視日盍歸歟復向山僧約期余巖桂舒

九月八日偕葉治三陳碩士從弟儀筐姪彥
卬謁明孝陵游覽靈谷寺晤其方丈僧祇園
萬事靡弗改誰能測所終蔣山自齊梁幢蓋浮屠
宮安知明祖宅毀塔遷誌公何怪三百年寢闕生
蒿蓬我來謁松下黃槁閒霜叢故事識已少今

帝德良隆守吏衛樵蘇金碧餘穹窿環峯嶂東
南西眺曠青空郭外隱大江杳來逝無窮杖策越
斷橋攀躋入巖東密樹欲無徑涼飈激榛中積垣

外已盡立殿中猶雄想見徒建初頗極匠制工老
僧爲設餐共語斜陽紅竇彼萬古懷企此三幡通
人歸壑谷閑深翠澹濛濛林杪餘塔頂盤鶻下秋
風

良醫行贈涇陽張孝廉菊

自古良醫多出秦孝廉晚出當其倫授受無從古
術絕山川靈異能通神一戰燕山屈羣士殿側裁
文奏天子君中己酉順天鄉試是歲詔更試

宮內謂知弓冶繼家聲孰料刀圭起人死江山地
有金陵壯萬室曾城壓江上乃翁強項因爲宰令
子活人譬良相經營智出非禁方痛癢情切方無
恙老夫臥病常兼旬賴子每過情愈親已信發著
端有喜况聞快論偃可伸君家孝友稱義門詔
書褒使薄夫敦乃翁行古非俗吏餘慶那不遺後

昆帝所諧聲待韶夏天池奮翼須鵬鯤地中生木
象慎德況年甫逾冠加元術如和扁固小技文高
潘陸猶無論截辭終南氣未已當今相國誠賢矣
安知人無邁古才更與成周閔散比老夫未死得
君醫拭目人間有見時願子勉學致其大一世膏
肓皆可治

與張荷塘論詩

薰蕕非同根鵠鴟豈並處欲作古賢辭先棄凡俗
語青巖萬仞立丹鳳千里翥寶氣照山川芳華出
霧雨快此大美聚亦使小拙嫵淺易詢竈嫗險怪
趨虬戶焉知難易外橫縱入規矩小點弄狡獪窺
隙日用鼠不知虎視雄一嘯風林莽嘒嘒雜市井
喁喁媚兒女至言將不出曩哲遭腹侮謂獲昔未
搜頗疑今者愈嗟哉余病耄奈此衆簧鼓絃上矢

難留蓄憤終一吐不期得吾心君先樹幟羽將埽
妄且庸略示白與甫病几偶對論陽氣上眉宇東
南百俊彥解者未十五寡和君勿嫌終世一仰俯
有得昔幾人屈指君試數

訪坵堂觀察於城南寶光寺釋皓清亦至讀
觀察近詩數十首雨中共至皇姑寺作詩二
首

江霧帶長干南望盡蒼碧何處使君居空山少人
迹東風汎林影逕艸含新色數轉造精廬遂爾逢
巾舄漠漠寒雲光幽幽丈室白山僧共披帷飛雨
颯沾席清言接今茲高文自曩昔真性不容遏筆
墨偶流溢結習誠未忘固已遺喧寂誅茅鍾阜顛
邀君共晨夕

樹引南岡升雲垂午光晦披衣細雨中曳杖荒林

外企彼建琳宮遠矣自前代庭圍青竹幽石倚紅
牆壞危閣墮冷風空櫺塞寒靄列架備龍藏展讀
吾未逮所欣道人韻敷坐肅相對

偕方坳堂登牛頭迴至獻花巖宿幽棲寺

昨雨竟夕晨未休與君宿約登牛頭我怯欲止君
意銳中道稍幸霾雲收山陰轉至南澗曲佛宮上
倚雲峯稠入門階磴鑿蒼翠兩闌松桂交龍虬十
圍銀杏穿入地再出若濟興陶邱霑衣尚有林雨
隳拄杖且趁石逕幽深洞傳爲辟支坐小沼或記
昭明游世往荒昧不可辯登冢一俯千山周東來
句曲氣咫尺大江三面環如鉤仰思萬古正懔懔
飛鳥忽逝投滄洲下踐僧廊出門外危循鳥道升
東陬獻花巖居萬木杪片壤劣架懸鐘樓其時山
花開且落枝間偶復聞啁啾迴視來逕杳修曲山

光金碧交相浮幽棲寺近暮投宿林深霧暗風颼
颼道人昔處此石窟遠有望氣來相求廊然無聖
乃家法金屑雖貴甯居眸尚有佛見師所斥了無
一法今何修嗟予與子厭塵瑳但云芒屨賢鳴騶
若尋第一微妙義豈於喧寂論誰優山僧煮笋春
米熟虎跑泉瀹香盈甌鐙前飽食放頭睡起看杲
日青天流

瞻園松石歌爲陳東浦方伯作

昔有淮淝帝起凌江東金陵始建吳王宮蒼松白
石傳是宋元蓄位置乃在西園中是時招徠天下
雄游賞時與匹士同謀畫紛綸史述不可盡故物
矗立皆英風蔣山南徙新宮衛松石遺在中山第
君臣際遇自當年景物蕭疏成異世我朝奄撫江
南陲大功坊設行省司人言江甯使院天下冠日

月煙霞生古姿 翠華臨錫瞻園宇松石光輝又
一時此邦有宅城西面六朝松石名嘗擅漁洋司
李爲題詩賤子少年曾一見四十年來古松死三
品石徙金壇縣嗚呼于文襄沒乃返故鄉何嘗得
一日幅巾屣履苔石旁人事興衰變倏忽古蹟銷
磨多慨慷豈如使院長清祕冠蓋頻誇松石異自
昔元依天子家於今尚託諸侯帥使君動法前賢
事文章可傳政可嗣倚石松前聽松吹謝公哀樂
羊公淚好誦甘棠召伯詩休偕異石菱谿記露砌
風軒攜酒尊更邀白髮醉芳園古今事往都須置
松石之間別有論

雨晴出廬江寄諸同學

北風夜甚厲急雨鳴淙潺大樹俯驚波連舫纜其
間崩騰勢欲往撼拒力何艱勢極曉應衰柳葉搖

翩翾柔橈蕩春渚芳艸被澄灣重陰旣蕩滌丹霞
忽煊斑舟進暮未休野日澹以間回首碧林外數
點龍舒山邈彼二三子送我出柴關神會無遠近
道合非附攀毋以損夷憚屬念爲衰顏

舟中漫興

終朝風有常百里谿多曲屢使帆起落一若路來
復春氣澹多陰四顧垂連綠艸逕人獨行田家麥
併熟屬此旅與居同寄光陰速遇物皆可欣乘化
孰非足暖倚舡窗清展冊呼兒讀

機舊縣

清江靜無風曉岸初上日高下雲影合遠近山青
出連舫纜盡解孤舟飯未畢恣涉齊物旨曠慕養
生術逐事偶在途澹懷猶一室復此對清遠未應
嫌遲疾顧與漁父言仰送飛鳥逸又汎滄波東聊

作前游述

題陳碩士母魯恭人端居課子圖

我識夫人夫朝衫託京國繼遇夫人第幅巾江水
北自始逮今茲春秋三十易當時談宴末偶及中
閨德儀容黯終掩吾友亦遠隔遙想琴瑟哀與彼
同生戚徒存四尺紙繪作燈火夕慈母如師嚴維
誦殷四壁圖中最稚兒玉立今八尺挂席出彭蠡
就我同書策萬卷容可收熊丸不復得我聞晝闕
氏泣涕甘泉側憬彼休屠子忠孝漢庭則何况傳
經家不匱名當赫又聞悲思者不可爲太息憐吾
失母鸚鵡髮初覆額奄垂二十年感傷衰鬢白

金麓村招游莫愁湖偕浦柳愚毛侯園陳碩
士醉中作歌

四月春風猶未已吹蕩湖煙與湖水水上青山何

所似擁髻莫愁明鏡裏風生水軒三面回白鷺
鷺空際來山光半入城囊括湖影全將天蕩開當
軒俯仰人間世莫愁尚得留名字坐上山川處處
奇胸中今古時時至君不見英雄誰似中山王一
枰昔對明高皇山陰墅賭謝太傅肥牛亭賜張安
昌徐氏到今取湖稅軼事傳或非荒唐軼事縱傳
何必詳元功極貴同泯亡運盡勳華亦鳥滅時來
屠販皆龍驤春水滿時春艸長湖波澹淡漂夕陽
欲喚莫愁歌一曲四坐賓客各盡觴顛毛日夜生
秋霜何暇遠計千載事石室金匱求芬芳

題胡山甫不浪舟記後

便門將渡樓舡津御史欲以血汗輪舡危橋安稱
曉人甯知三峽遠導泯負舟麾斥黃龍馴人生自
貴此有身正恐畏途出牀茵至人平視夷險均覆

卻不入操舟神杆區江海雲霞巾馮夷肩吾與我
鄰六合一室誰疏親歐陽畫舫齋名新自記夸述
艸木舊憑欄四望疑漣淪所言枝葉非本真君齋
繼作義相循平生未與君主賓有齋亦未逝其陳
讀君兩記擬歐倫賢子求書意頗諄跋尾君見或
不嗔邈哉歐子不可詢

王石丈得異石於莫愁湖余名之坐龍石戲
爲作歌

洞庭雷風夜中起飛渡嶠潼戰涇水歸來歌吹月
明中貴主輕綃泣淚紅歡樂悲哀一朝盡寶珠獻
得無生忍歸坐深淵情自枯誰能出此定跡跡莫
愁湖影涵秋月道是龍宮光貝闕探得驪珠何足
奇迎將室內坐之而袍笏下拜情未已儼如共浴
咸池底窗前詠作蒼龍鳴走避定使諸梁驚煙霧

繞堦還吐潤或將霖雨爲蒼生

馬雨畊住相圖

自有天地驅羲娥風雲變滅流江河我昔嬰稚今
髮皤如箭逝弩絲運梭直逮建翼嘶虞歌焉得停
晷容婆娑君取住義將云何君言變者自遷訛有
不變者常無他心如死灰身槁柯所住非中非四
阿須彌蚊睫誰么麼稊米萬物非寡多萬劫靡辨
於刹那了無未來與已過此爲住義奚可訶我聞
塵根相蕩磨應無所住傳佛陀須菩提聞涕滂沱
今始知道異昔科况君涉世猶同波畫成戴髮爲
優婆忽然念起火焚和恐君禪病容未瘥因言生
義皆網羅住與不住同偏頗更請斷臂求達摩

秋齋有述

雨歇朝曦時風來廩秋候樓上倚層軒城端見重

岫楚樹遠連空江雲澹橫畫芳桂已繁英叢蘭猶
一秀幽居謝物喧孤賞欣良觀幸無好爵縻終卻
多文富淵乎象帝先曠矣發吾覆甯執近名心翻
求百年後

游攝山二首古佛菴有明太祖御容

學道苦不深塵擾輒有損所賴行游趣養真復吾
本況茲絕靜麗深谷抱重巘始尋寺鐘來回視邨
逕遠怪石倚礪興奇柯冒巖偃幽日曖疏照流籟
逝忽返偶接道人談世外情亦恂久處山氣寒眺
盡夕陽晚鳥宿人語絕暗響無一遯圓月見松上
長影散偃蹇邈當遺視聽於法求奧邇達彼無生
寂見茲有物提豈必閉石窟浪齒食芝菌

鑿石龕像佛遠自齊梁爲累世導師居龍象固有
儀何意入僧室隆準乃可窺當時平僭亂四海誠

福禊所嗟攀龍鱗十九遭焚矯戰兢展遺像目角
流千鉞想見劉宋輩日侍豈不危篝火息夜榻聞
鐘逐晨麋朝日艸露間往讀始興碑慨歎閱千古
誰識無成虧

乙卯二月望夜與胡豫生同住憨幢和尚慈
濟寺觀月有詠

夕陰連遠麓嵐翠斂高岑新月吐巖缺先照寺西
林籃輿轉重障杳度碧谿深春樹葉未多疏影落
衣襟佛宮坐遙夜妙義託幽尋上眺層閣暉下步
重階琳素魄行無極光霽曠來臨本非有擇照安
知受者欽文學俊才筆禪悅亦所歆余衰邈違世
慕道恐勿任非徒遣煩慮更當遺賞心閨黎淨業
就結習猶謳吟共會忘言契何嫌金玉音

二月九日鄭三雲通守邀於隱仙菴看牡丹